

楊一凡 編

中國律學文獻



社會科學文獻出版社
SOCIAL SCIENCES ACADEMIC PRESS (CHINA)

楊一凡編

社會科學文獻出版社

中國律學文獻

第五輯
第二冊

中國律學文獻 第五輯 第二冊目次

淑問彙編六卷

〔明〕李天麟纂輯
明萬曆二十一年徐萬仞杜日章刻本

.....

〔明〕李天麟纂輯 明萬曆二十一年徐萬仞杜日章刻本

淑問彙編六卷

巡按湖廣監察御史李 為明
法紀慎刑獄以飭吏治以重民
命事本院按楚一載巡歷將周
叅審各屬重囚招由多係人命
盜賊次之打詐侵欺又次之招
誣反坐為甚乃招情徃徃失真
致煩屢屢駁問推求其故如人

命非委官檢驗之遲延即作
報傷之不實非原告誣捏之失
真即中証翻覆之變亂或出此
入彼移情就律或揣摩駁意遷
就其詞漫無定論如盜賊非捕
役嚇詐之妄拏即失主認賊之
不的非問官嚴刑之羅織即原

盜挾無以攀連或砌賊裝不認硬
口血供或戶隣妄首輕信其說
大非辟案總屬始訊欠慎以致
反覆相尋非特卑官糊塗而少
精明即有司初入仕途亦未庸
心以究律例故刑獄煩苛民命
糜爛楚中年年災沴未必不由

於此本院停驂所至細心檢閱
少有矜疑即行踈駁復催速鞫
無負惓惓各官亦多虛心平反
大有昭雪一時刑名頗覺清楚
矣第念楚中吏治玩愒成招率
以年計地里遼濶文移率以月
計衙役姦猾需索乃其日計彼

其候成招駭問者業已九死一
生而當其拷禁苟延者尤多有
皮無骨繼此而往不為明刑勅
法不免仍蹈前軌但念各官案
牘之煩難以搜查吏書見聞之
寡難以講解各家散逸之多難
以類輯支離蔓衍之詞難以刪

清江集

憲片

三

除意識議論之偏難以歸一及
閱大中丞新吾呂公先任三晉
憲長時所著風憲約藻鑑衡平
規模振飭大於風紀有裨本院
執觀三楚情形不殊所宜推廣
德意方見善與人同逐章檢其
事體不異確然可行者相應申

告與諸賢共之合行選纂刊
布以惠三楚為此牌仰萬推官
即便會同徐同知杜推官將本
院發去淑問彙編一書逐一細
加查看中間應添改者添改應
發明者發明其書以風憲約章
為卷一律例辨疑為卷二招擬

法學彙編
三十八片
體式為卷三檢驗事宜為卷四
聽斷衡鑑為卷五陸續馬上差
人送院覈正轉發刊刻以便申
飭施行庶各官置之座隅朝夕
得以警省而一書檢查翻閱理
法互相發明鼓官而官應扣角
而角應理有自然或有倡之不

從感之不化者世無此事以爲
合心頭頭法法相應舉此例以
事事物物無二起明作而喚良
心猶如影嚮禮樂興而刑罰中
注見和平不惟本院一念及於
蒼赤而各官群策畢集皆大有
造於楚邦矣限一月內具書以

刑部彙編

憲例

報毋得草率遲延未便湏至牌
者

淑問彙編序

語曰至刑無所用政夫徒政非
政也刑至而無所用政又安所
用德乎夫德亦意焉耳矣意在
為德無論响沫見德即轉而為
刑其不為憺礲可知也周禮秋
官之屬不啻若縷析矣乃屋誅

清江雜錄

序

明竈靡非不忍傷人之意其縷也所以為德也今天下網稱密矣吏以明察相矜法行不阿亦既勝任矣乃犯者日起而吏持法日益峻竒請他比鍛鍊周至諸所失坐在在有之而楚似尤甚蓋楚俗悍獷喜譁張相傾又